



Sarajevo, 22-06-2026

02-19596-1/26

Na osnovu člana 70. stav (1) Zakona o javnim nabavkama Bosne i Hercegovine („Službeni glasnik BiH” broj 39/14, 59/22, 50/24), člana 95. Statuta Javnog preduzeća Elektroprivreda BiH d.d.- Sarajevo (broj SD-5211/16-38/2. od 29.03.2016. godine) i člana 10. stav (4). Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva – prečišćeni tekst broj 06-8661-1/2023 od 10.03.2023. godine i Odluke o izmjeni i dopuni Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva broj: U-01-40623-1/23-18/34 od 14.11.2023. godine. Izvršni direktor za proizvodnju **donosi:**

ODLUKU

o izboru najpovoljnijeg ponuđača u Otvorenom postupku javne nabavke 2000045617 (broj sa portala javnih nabavki 1405-1-1-97-3-214/26) – Hermetici

Član 1.

Najpovoljniji ponuđač za nabavku: „Hermetici“, za potrebe TE Tuzla, Tuzla, izabran na osnovu provedenog Otvorenog postupka javne nabavke broj **2000045617** pokrenutog po Obavještenju o nabavci broj **1405-1-1-97-3-214/26** objavljenog na „Portal javnih nabavki“ dana 18.05.2026. godine je:

„ELBORG“ d.o.o. Tuzla

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima koji su sudjelovali u predmetnom postupku javne nabavke, te Odluku objavi na internetskoj stranici JP Elektroprivreda BiH d.d. – Sarajevo (www.elektroprivreda.ba).

Član 3.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke, dostavi original ili ovjerene kopije dokumenata iz člana 45. stav 2) pod a), b), c) i d).

Obrazloženje

U predmetnom postupku javne nabavke ponude su blagovremeno dostavili sljedeći ponuđači:

1. „ELBORG“ d.o.o. Tuzla.....sa cijenom 20.000,00 KM bez PDV-a
2. „TBS TRADE“ d.o.o.Živinice.....sa cijenom 19.972,31 KM bez PDV-a

Zapisnik sa otvaranja ponuda po Otvorenom postupku broj 2000045617 od 09.06.2026. godine dostavljen je učesnicima predmetnog postupka u skladu sa odredbama Zakona o javnim nabavkama BiH ("Službeni glasnik BiH", broj 39/14, 59/22, 50/24) i podzakonskim aktima.

Komisija za javne nabavke imenovana Odlukom direktora broj 02-55-2-3833-1/2026 od 17.03.2026. godine, izvršila je otvaranje, pregled i evaluaciju pristiglih ponuda i utvrdila sljedeće:

Pregledom ponude ponuđača „TBS TRADE“ d.o.o.Živinice utvrđeno je sljedeće:

- Za poziciju br.6 u dostavljenoj kataloškoj dokumentaciji, ekvivalentni proizvod ne odgovara namjeni i tehničkim karakteristikama. Naime, za poziciju br.6 prema tehničkoj specifikaciji iz tendera glavna namjena proizvoda je zaptivanje i podmazivanje navoja, baza proizvoda je PTFE (teflonske čestice) u mekoj pasti, služi za sprečavanje curenja gasova i tečnosti kroz navoje. Ponuđač je ponudio proizvod koji ima drugu namjenu i to: Anti-seize (protiv zapeknuća) i montažna pasta, keramička/anorganska maziva bez PTFE-a, sprečava zapeknuća, koroziju i olakšava demontažu.
- Za pozicije br. 11 i 12 u dostavljenoj kataloškoj dokumentaciji, Ponuđač je dostavio ekvivalentne proizvode koji dimenzionalno ne odgovaraju tehničkoj specifikaciji Tendera (O-ring prečnika 5 i 10 mm prema tenderskoj specifikaciji, a Ponuđač nudi proizvode prečnika 2, 3, 6 i 8 mm); također u priloženoj kataloškoj dokumentaciji nema podatka na koje radne temperature je proizvod otporan, dok je to prema tehničkoj specifikaciji tendera zahtjevano između -20 do +140 °C.

Iz naprijed navedenih razloga, odbacuje se ponuda ponuđača „TBS TRADE“ d.o.o.Živinice, prema odredbi člana 68. (4), tačka i) Zakona o javnim nabavkama BiH („Službeni glasnik BiH“, broj 39/14, 59/22, 50/24), jer njegova ponuda nije potpuna i ne ispunjava zahtjeve tenderskog dokumenta

Ponuda ponuđača „ELBORG“ d.o.o. Tuzla zadovoljava eliminatorne kriterije zahtijevane tenderskom dokumentacijom.

Na osnovu kriterija "najniža cijena", ponuda ponuđača „ELBORG“ d.o.o. Tuzla je povoljna sa ukupnom cijenom ponude u iznosu od **20.000,00 KM bez PDV-a** na paritetu DDP TE „Tuzla“, te je nakon izvršene ukupne ocjene osvojila prvu (1) poziciju po predmetnom javnom nadmetanju.

Obzirom na prednje izneseno, donesena je odluka kao u dispozitivu.

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. -Sarajevo, Podružnica Termoelektrana „Tuzla“, Tuzla, u roku od deset (10) dana od dana prijema ove Odluke.

Izvršni direktor za proizvodnju

Fahudin Tanović



Dostaviti:

- Ponuđačima
- 52
- a/a